

Na osnovu člana 16. stav 4. Zakona o Vladi Zeničko-dobojskog kantona- Prečišćeni tekst („Službene novine Zeničko-dobojskog kantona", broj: 7/10 i 3/23), na prijedlog Ministarstva zdravstva, Vlada Zeničko-dobojskog kantona na 26. sjednici, održanoj dana 07.07.2023. godine, d o n o s i

ZAKLJUČAK

I.

Daje se saglasnost dr Tanji Radoš Kosić, ministrici Ministarstva zdravstva Zeničko-dobojskog kantona za potpisivanje Sporazuma o zajedničkom finansiranju Projekta izgradnje objekta ambulate porodične medicine u Željeznom Polju, Općina Žepče, između Ministarstva zdravstva Zeničko-dobojskog kantona, Općine Žepče i JU „Dom zdravlja sa stacionarom“ Žepče, koji čini sastavni dio ovog Zaključka.

II.

Zaključak stupa na snagu danom donošenja.

PREMIJER

Amra Mehmedić

Broj: 02- /23

Datum, 07.07.2023. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x Općina Žepče, (putem Ministarstva zdravstva),

1x JU „Dom zdravlja sa stacionarom“ Žepče, (putem Ministarstva zdravstva),

1x a/a

SPORAZUM

o zajedničkom finansiranju Projekta izgradnje objekta ambulate porodične medicine u Željeznom Polju, Općina Žepče

Sporazum o zajedničkom finansiranju Projekta izgradnje objekta ambulate porodične medicine u Željeznom Polju, Općina Žepče, potpisan između:

1. Ministarstva zdravstva Zeničko-dobojskog kantona, ID broj: 4218336060001 (u daljem tekstu: Ministarstvo zdravstva) kojeg zastupa ministrica dr Tanja Radoš Kosić,
2. Općine Žepče, ID broj: 4218204580006, koju zastupa općinski načelnik Mato Zovko i
3. JU „Dom zdravlja sa stacionarom“ Žepče, ID broj: 4218041000007, koju zastupa direktorica dr Ana Zlovečera Jukić.

Član 1.

Ovim Sporazum strane potpisnice se obavezuju da će zajednički učestvovati u finansiranju Projekta izgradnje objekta ambulate porodične medicine u Željeznom Polju, Općina Žepče (u daljem tekstu: Projekat) u cilju unapređenja pružanja zdravstvenih usluga primarne zdravstvene zaštite.

Član 2.

Strane potpisnice Sporazuma saglasno konstatuju sljedeće:

- a) da je izrađeno idejno rješenje za novi objekat ambulate porodične medicine u Željeznom Polju, Općina Žepče temeljem kojeg će se izvršiti izrada idejnog i glavnog projekta za predmetni objekat.
- b) da neto površina planiranog objekta iznosi 250 m² te isti uključuje:
 - liječničku ordinaciju,
 - 2 prostorije za intervenciju,
 - stomatološku ordinaciju,
 - čekaonicu sa prijemnim pultom,
 - sanitarni čvor za osoblje (muški i ženski WC),
 - sanitarni čvor za pacijente (muški, ženski i WC za invalide),
 - čajnu kuhinju,
 - ostavu, kotlovnici sa skladištem za ogrev.
- c) da će Općina Žepče u što kraćem roku, bez naknade, prenijeti na JU „Dom zdravlja sa stacionarom“ Žepče, vlasništvo nad građevinskim zemljištem označeno sa k.č. 609/7 K.O. Željezno Polje, na kojem će se graditi objekat iz člana 1. ovog Sporazuma,
- d) da će Općina Žepče u proceduri izdavanja građevinske dozvole osloboditi JU „Dom zdravlja sa stacionarom“ Žepče plaćanja naknada za uređenje gradskog građevinskog zemljišta i naknade za pogodnosti (renta), kao i svih ostalih administrativnih naknada vezanih za pripremu izgradnje, izgradnju i stavljanje u funkciju objekta iz člana 1. ovog Sporazuma.
- e) da je planirano vrijeme za izgradnju objekta ambulate porodične medicine u Željeznom Polju, Općina Žepče, 24 mjeseca nakon potpisa ugovora o izvođenju radova.

Član 3.

Procijenjena vrijednost izgradnje objekta ambulate porodične medicine u Željeznom Polju, Općina Žepče, koja uključuje geotehničko ispitivanje zemljišta, izradu idejnog i glavnog projekta, građevinske, zanatske i limarske radove, sanitarne instalacije, termotehničke instalacije i vanjsko uređenje iznosi 480.000,00 KM sa PDV-om, od čega će Ministarstvo

zdravstva učestvovati sa 83,33%, ili 400.000,00 KM, Općina Žepče sa 14,59% ili 70.000,00 KM i JU „Dom zdravlja sa stacionarom“ Žepče sa 2,08% ili 10.000,00 KM.

Član 4.

JU „Dom zdravlja sa stacionarom“ Žepče je nosilac aktivnosti na pripremi tenderske dokumentacije i provođenja postupka javne nabavke u skladu sa Zakonom o javnim nabavkama („Sl. glasnik BiH“, broj: 39/14 i 59/22) i odgovorna je za dokumentaciju vezanu za nabavku građevinskih radova i zakonitost provođenja postupka javne nabavke u skladu Zakonom o javnim nabavkama.

Član 5.

JU „Dom zdravlja sa stacionarom“ Žepče obavezna je Ministarstvu zdravstva i Općini Žepče dostaviti Ugovor o izvođenju radova koji će zaključiti sa izabranim ponuđačem u roku od 7 dana od dana potpisivanja navedenog ugovora.

Član 6.

Ukoliko nakon provedenog postupka javne nabavke ugovoreni iznos bude manji od iznosa iz člana 3. ovog Sporazuma, učešće u zajedničkom finansiranju Projekta će se procentualno umanjiti srazmjerno učešću u finansiranju iz člana 3. ovog Sporazuma, a što će biti regulisano aneksom ovog Sporazuma.

Član 7.

Ukoliko se za realizaciju Projekta obezbjede sredstva iz drugih izvora (Budžet Federacije BiH ili drugih institucija i fondova), JU „Dom zdravlja sa stacionarom“ Žepče obavezna je obavijestiti Ministarstvo zdravstva i Općinu Žepče o visini dodatno odobrenih sredstava, a učešće u zajedničkom finansiranju Projekta će se procentualno umanjiti srazmjerno učešću u finansiranju iz člana 3. ovog Sporazuma, a što će biti regulisano aneksom ovog Sporazuma.

Član 8.

Ukoliko se nakon provedenog postupka javne nabavke utvrdi da je cijena izgradnje navedenog objekta veća od procijenjene vrijednosti, sporazumne strane se obavezuju da će potpisati aneks ovog Sporazuma kojim će biti utvrđen iznos dodatnog sufinansiranja.

Član 9.

U Budžetu Zeničko-dobojskog kantona za 2023. godinu, a u skladu sa Zaključkom Vlade Kantona broj: 02-11-8298/23 od 19.05.2023. godine kojim su prihvaćene izmjene Plana investiranja dodijeljenih sredstava potpore iz Budžeta Federacije BiH za kapitalne investicije, planirana su sredstva u iznosu 200.000,00 KM u okviru budžetskog korisnika Ministarstvo zdravstva (budžetska organizacija 21010001), ekonomski kod 61510 „Kapitalni transferi drugim nivoima vlasti-za zdravstvo“ za prvu fazu realizacije Projekta.

Član 10.

Obavezuju se Ministarstvo zdravstva i Ministarstvo finansija da u Budžetu Zeničko-dobojskog kantona za 2024. godinu, u okviru budžetskog korisnika Ministarstvo zdravstva (budžetska organizacija 21010001), ekonomski kod 61510 „Kapitalni transferi drugim nivoima vlasti-za zdravstvo“ planiraju sredstva u iznosu 200.000,00 KM za realizaciju druge faze Projekta.

Član 11.

Za finansiranje Projekta, Općina Žepče će obezbjediti sredstva u ukupnom iznosu 70.000,00 KM, koja su planirana u Budžetu Općine Žepče za 2023. godinu.

Za finansiranje Projekta, JU „Dom zdravlja sa stacionarom“ Žepče će iz vlastitih sredstava u 2023. godini obezbjediti sredstva u ukupnom iznosu 10.000,00 KM.

Član 12.

Nakon potpisivanja ovog Sporazuma, Vlada Kantona će u skladu sa tačkom 2.1. Programa utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ broj: 02-11-9547/23 od 09.06.2023. godine, donijeti posebnu Odluku o odobravanju sredstava JU „Dom zdravlja sa stacionarom“ Žepče u iznosu 200.000,00 KM za realizaciju prve faze Projekta, kojom će biti definisana dinamika transferisanja sredstava JU „Dom zdravlja sa stacionarom“ Žepče i način pravljanja namjenskog utroška odobrenih sredstava.

Član 13.

Za finansiranje druge faze Projekta, nakon usvajanja Budžeta Zeničko-dobojskog kantona za 2024. godinu, a u skladu sa usvojenim Programom utroška sredstava planiranih u Budžetu Zeničko-dobojskog kantona za 2024. godinu na poziciji „Kapitalni transferi drugim nivoima vlasti - za zdravstvo“ Ministarstva zdravstva, Vlada Kantona će donijeti posebnu Odluku o odobravanju sredstava JU „Dom zdravlja sa stacionarom“ Žepče, kojom će definisati dinamiku transferisanja sredstava i način pravljanja namjenskog utroška odobrenih sredstava u 2024. godini.

Član 14.

JU „Dom zdravlja sa stacionarom“ Žepče obavezna je Ministarstvu zdravstva i Općini Žepče dostaviti poseban izvještaj o statusu Projekta na dan 31.12.2023. godine i namjenskom utrošku odobrenih sredstava u 2023. godini.

JU „Dom zdravlja sa stacionarom“ Žepče obavezna je Ministarstvu zdravstva i Općini Žepče dostaviti konačan Izvještaj o realizaciji Projekta u roku 15 dana po okončanju Projekta.

Član 15.

Strane potpisnice su saglasne da sve eventualne sporove rješavaju dogovorno, uz uvažavanje interesa potpisnica ovog Sporazuma.

Član 16.

Ovaj Sporazum je sačinjen u šest istovjetnih primjeraka od kojih svaka sporazumna strana zadržava po dva primjerka Sporazuma.

Član 17.

Sporazum stupa na snagu danom potpisivanja od strane sve tri potpisnice Sporazuma.

ZENIČKO-DOBOJSKI KANTON
MINISTARSTVO ZDRAVSTVA
MINISTRICA
dr Tanja Radoš Kosić

Broj:

Datum,

OPĆINA ŽEPČE
Općinski načelnik

Mato Zovko

Broj:
Datum,

JU „DOM ZDRAVLJA SA STACIONAROM“ ŽEPČE
DIREKTORICA
dr Ana Zlovečera Jukić

Broj:
Datum,